

Kayëte ndënkwëryënkw mba Pol nte kerëhnëkëhni vëvë Tesalonik Wade yehëhna hnë inji kayëte

Afayik Pol, gë Silas do gë Timote, Korent hna kerëni anji kayëte mpëdara yëbëlan bëhn wafëhw wahnah gë imbëd gë wahnah gë bëhn wafëhw imbëd gë wahi (49 gë 52) ga ndëcëk hnagi Yesu ÿa.

Pol yankëtahnëk Tesalonik wati yas higëna lëwü ÿa. Nkol ña Masedëwan hna nke nte kwëhnëko naŵ mbë Rom ña, tëfary wov, nkol gwafa. Bulunda wasëwif ŵa njabëniho. Wasëwif wayabah vëŵawëlohna karañ Pol ña do antaniha nkol hna (Vantiyehn 17.1-9). Bare Cery Sali ña pëlëk vënkahn va do njawënak. Timote njankëtahnëkëhni vële hwëtahnëk va, mbarëpëla vële wok vëyena wasëwif do gë wasëwif wale hnëmpëtak nkeni vële hwëtahnëka Këris.

Timote wadëŵ hni ña njonëhnika Pol Korent hna do hnam kerëhnënihëhni anji kayëte. Hnë anji kayëte Pol njëtëndanëkëhni hnatah lëwü soñe ikahnënda nte tufahnëni vële hwëtahnëk Tesalonik va hnë njasa ntëw hni gë Këris. Wëlakënde horot hna nkok njawëni.

Pol kamënaŷehnedëhëhni. Atac ikarañ

njêdand paŋare vêsêm do iboka Këris ɲa (4.13–5.11). Njêdahnêd simpaŷi do wahnira watêkwa.

Wëlin wanës wakwëhn nafa hn'iŋi kayête: wanës, ikwëtahn, iŋahn, uhorot, fac, vëŷënta, vêsêm, yam.

Wëlin gante nke kayête ka:

Simpaŷi (1.1)

Gante kwëtahnëni vëvë Tesalonik va (1.2–3.13)

Ankeya nte ñaɗ Wën (4.1-12)

Ibëhn vêsêm gë fac Ahwëhn a (4.13–5.11)

Siyab rëkwa gë simpaŷi (5.12-28)

Simpaŷi

¹ Ami Pol gë Silas do gë Timote herëhnëryidëhu, wëhnë vëvë cery sali vë Tesalonik le kwëhnëk Wën Rëm ŷa do gë Ahwëhn a Yesu Këris: Arabi ipërëna gë yam ŷa nke gë wëhnë.

Ikwëtahn vëvë Tesalonik

² Kwëlëkwël camehnêdëfunëha Wënu ɲa soŋe hun fop ŷa do njêfanëderun nte-wo-nte njêfadëfun ɲa. ³ Ndënkwëtadëfun kwëlëkwël haryënkwa Wënu Rëm fu hna vantiyehn vante wëtik hn'ikwëtahn hna, waɗoku wante wëtik hn'iŋahn hna do gë iduñëna nte wëtik hn'itamahn hun paɓ g'Ahwëhn fu Yesu Këris. ⁴ Vëŷënta mën, vële ɲahnëk Wën, njëtinek Wënu ɲa rëhnaku ⁵ kabi Wanës Wakasëk ɲa pëyayiluhna gë wanës ɲi fo, bare gë fanka fa, g'Iyir Ipacah ɲa do g'ikwëtahn ipadah ɲa. Njëtërun gante nkeho vankeya fu va fagant hun hna; soŋe ufërën hun yeho. ⁶ Wëhnë

vërfëtalahn fu yerun do gë vërfëtalahn Ahwëhn a yerun; nuɣarun wanës ɳa hnë wati horot hna, gë uhnatah ule w̄atik hn'Iyir Ipacah hna. ⁷ Koyëna nkerun vële tēfëtalahnēdēni vahnë vële hwëtahnëka Këris va Masedëwan hna gë Akayi hna. ⁸ Ýal hun hna wanës Ahwëhn a campik gena Masedëwan hna gë Akayi hna fo, bare ikwëtahn hun Wënu ɳa njëtik gante-wo-gante. Awa, balëlëfuhna hnësëfu watac. ⁹ Vahnë va fop tēfëtađëni gante kacarunëhëfuno ka ante njiryibunëho ýal hun hna do gante tavërunëho waravahn aryokuñëhnënduna umë ale ye Wën paryi, ¹⁰ do ahnapënduna Aju ale w̄atid g'ambin ýa. Ajë arac, umë ye, Yesu nte mbëhnëndanëk Wën hnë vësëm hna, do fehëtëkëfu hn'ikitij Wën nte yejëk ɳi.

2

Doku Pol Tesalonik hna

¹ Vëýënta mën, njëtërun, w̄uhnë dënk, ante njiryibunëho ýal hun hna gelohna uhnëfak këm! ² Njëtërun, Filip hna korotehnibunëho ten do njewëđëbunëho rëkahnindëfu ýal hun hna. Bare Wënu ɳa njawënekëfuno wasakahn w̄a soje ahnësëhnahniwu Wanës Wakasëk ɳa mama mëtaryandebunëho đus. ³ Wac ule w̄acëbunëhëhni vahnë va matina hn'idënt, ma hnë vinahan vide wok pacëna, do yëkëlehnëđilëfuhna rokafuna ahnë! ⁴ Hali! Gante ñad Wën ka nësëđëfun. Wënu ɳa catahnëka gë fuhnë, umë hwëtehnahnëkëfu fëyahnëfu Wanës Wakasëk ɳa. Yëkëlehnëlēfuhna vahnë nëjahnëhni gë

fuhnë, Wënu ña nëña gë fuhnë ÿadëfun, umë ale fëcëtaď walawary fu wã. ⁵ Njëtërun kobëri dehnëlēfuhna wanës wapëren ahnëñenahniwu, do inahn fu ña gelohna soñe hnuŷahnëfu hnapul, Wënu ña sede ye. ⁶ Yëkëlehnëlēfuhna icëkwary ahnë, icëkwary hun ma icëkwary vëŷëntaw. ⁷ Kokëndëbunëho arufiwu ucankaf fu ña, fuhnë vëfayik Këris va, bare nëñenabunëho fagant hun, had hnëm nte faḅëkëhni vutah vuntëwu. ⁸ Soñe inahn nte hwëhnabun ŷal hun hna, kahnëndabunëho, gena ayëdayiwu Wanës Wakasëk Wënu ña fo, ayëdayiwu fëna vintaŷary fu va. Ha, inahn dëw fu soñe hun ña nkwënako ḁus!

⁹ Vëŷënta mën, ndënkwëtaḁun ḁoku ŷakah fu ŷa gë ambër fu ña. Ndokuñëḁëfunëho g'umëḁ gë g'anent, soñe antë yefu warib hun ga karanëḁërunëho Wanës Wakasëk Wënu ña. ¹⁰ Nkeya catah do cañah hwëhnabunëho hnë wuhnë vële hwëtahnëk hna. Ñoñ gena ile hodeḁun hnirayifu, wasede warac yerun do Wënu ña fëna sede ye. ¹¹ Njëtërun fëna, (ale-wo-le hnë wuhnë) ntiyirunëho ndampo fo gante nkeḁ rëm gë vutah vuntëwu ka. ¹² Kamënaŷëhnirun do njawënaŷëhnirun, tëyirun gë fanka ayewu gante ñad Wën ka umë ale wacëḁëhu hn'Inaw dëwu do gë hnë icëmb dëwu hna.

¹³ Do fëna, soñe rac samehnëḁëfunëha Wënu ña kwëlëkwël soñe iyin: ante karanëḁërunëho wanës Wënu ña, nëpaḁunëho do had wanës Wën mawërunëho; mawëlnohna had wanës vahnë. Ha, paryi nke Wën hna matik do

ndokunĕd hnĕ w̃uhnĕ, vĕle hwĕtahnkĕ vi. ¹⁴ Ha, vĕyĕnta mĕn, tĕfĕtalahnĕrunĕhĕhni vĕvĕ vacery sali Yuĕfe va, vĕle kwĕhnikĕ Wĕn hwĕtahnkĕa Yesu Kĕris va. Vahnĕ vĕvĕ nkal hun va korotehnĕnihu, had gante korotehnĕnihĕhni wasĕwif w̃a vĕvĕ vacery sali vatac. ¹⁵ Wasĕwif w̃i ryawĕka Ahwĕhn a Yesu gĕ wakila ŋa, do fuhnĕ korotehnĕnihĕfu. Vĕlidina ile hnĕĭĕdĕha Wĕnu ŋa do vĕyĕw̃ vahnĕ va fop nkeni, ¹⁶ kabi memaĕyĕhnĕdĕnihĕfu antĕ hnĕsĕhnĕfuni vĕle wok vĕyena wasĕwif va wante fehĕtĕdĕhĕhni ŋa. Koyĕna padĕnĕŋa padĕnĕdĕni wameh wante ntidĕniho kobĕri ŋa. Bare ntavah Wĕnu ŋa tĕk njohahnĕhni.

Iña Pol mbok nuhni vĕvĕ Tesalonik

¹⁷ Vĕyĕnta mĕn, ge fuhnĕ ye, tĕfĕkawo aravĕtayiwu fampĕd; paryi nke goylĕnĕhna nulĕnden, bare wasakahn fu hna tavĕlilĕnĕhna! Pĕrĕkĕfu d̃us gĕ w̃uhnĕ do ntibun fop soŋe avok ahnuhahniwu. ¹⁸ Awa pĕhnaabunĕho yiryifu ayĕkijiwu, do ami dĕnk Pol, pĕhnaabuhoh wahwĕnta wayaŋah, bare Sintani memaĕyĕhnĕkĕfu. ¹⁹ Ye ye itamahn fu ŋa, uhnatah fu w̃a, dahĕse imĕk idĕw̃ fu ŋa ge gena w̃uhnĕ? Do soŋe hun ŷa cĕkwadĕfun haryĕnk̄w Ahwĕhn fu Yesu ge mbokajĕk. ²⁰ Ha, w̃uhnĕ ye icĕmb fu ŋa g'uhnatah fu w̃a.

3

¹ Soŋe rac ye, kabi cilĕtabunĕho napi ŋa, umĕ caŋahnĕkĕfu wofu fuhnĕ fo Aten hna, ² do caŋĕtĕryibunĕha Timote, aĕyĕnta fu ŷa do ye aryokunĕnta Wĕn hn'ikaraŋ vahnĕ

Wanës WakasëkKëris ña. Payëryibunëha soñe njawënañehnu do kamënañehnu hn'ikwëtahn hun hna, ³ soñe antë ahnë cilëta horot ile liderun ña. Njëtërun wühñë dënk, iñi sifa horot tēfēka nkefu. ⁴ Ante nkebunëho ñal hun ña pëyayirunëho nuñaden wahorot wasankaf, do umë yehu, njëtërun dñus. ⁵ Soñe rac fayëryibuha Timote, kabi cilëtabuho nap inja, njiryi pëcëtaj soñe ikwëtahn hun ña. Ntakëkoñwo Sintani njëkëhnahnu do dñoku sankaf fu ña fop nke nafa këm.

⁶ Tame Timote mbokajëk, tēfëtanëkëfu wanës wakasëk wanëñah soñe ikwëtahn hun ña g'inqahn hun ña. Ntehnëkëfu wapërën ryënkwëtañunëhëfu do përekü gë fuhnë had gante përekëfu gë wühñë ka. ⁷ Soñe rac ye, vëyënta fu, hnë uryëñah fu hna fop gë horot fu wã, ikwëtahn hun ña kamënañehñëkëfu. ⁸ Tame tisëkëfu kabi nkorun ahambëñawu Ahwëhn hna. ⁹ Hak ga tēfëkëfu sameññefuna Wënu ña, soñe uhnatah sankaf ule yëñadñunëhëfu haryëñkw lëwü ñi? ¹⁰ G'umëñ gë g'anent njëñadëñfunëha gë idëñan soñe mañwëryanëfu mbok nulin do fadëñëfu ile wojëk hn'ikwëtahn hun hna.

¹¹ Arabi Wënu ña umë dënk, Rëm fu ña, gë Ahwëhn fu Yesu pidëtëhnëñihëfu nkañ ña pañ gë ñal hun! ¹² Arabi Ahwëhn a nkwëñëñdu inahnëñ hun ña hafo kob do g'inqahn vahnë fop ña, gante nke inahn nte hwëhñabun soñe hun ña. ¹³ Arabi njawëñ koyëna wasakahn hun wã hnë icat nte wok kwëhñana ile hniraderun haryëñkw Wëñ Rëm fu ña, hnë fac le mbokahñid Ahwëhn fu ña Yesu gë fop vëlëwü va!

4

Ankeya nte ñad Wën

¹ Awa koyëna, vëyënta fu, ñëjarun hnë fuhnë ankeya nte rëfëka ahwëhnawu nëjahna Wënu ña gë wuhnë. Do tac dënk hwëhnarun. Bare tëyëderun do nkabëderun, g'uŵac Ahwëhn a Yesu, yiryin haryënkŵ fo! ² Kabi njëtërun siyab ule yabirun Ahwëhn Yesu hna matik.

³ Ile ñad Wën ÿa, rac ye: ayegahnu vēfacah do ahehawu fop ndakëntal meh ña. ⁴ Ale-wo-le hnë wuhnë njët mënkw mbahn dëwu ña hn'ufacah, do hn'untënah.* ⁵ Ant'aŵaŵu iña meh ña mëku, had vēle wok vēyëtëlahna Wën vi. ⁶ Hnë wañi, ahnë tēfëlahna nti ile wënëdëha aÿëntaŵu ale hwëtahnëka Wën, ma tokahna. Tëkëfun ahnësëhniwu do pëyayirun g'afërën: Ahwëhn a korotehnëdëhëhni vēle lid rac va. ⁷ Wënu ña macëlëfuhna soñe ndëkarënden g'ale-wo-ale, bare soñe nkeyin vēfacah macëkëfu. ⁸ Soñe rac ye, ale wëyëk inji gab ña, gena ahnë ñwëyëhnëk, Wënu ña ñwëyëhnëk, umë ale yëdadëhu Iyir Ipacah ña.

⁹ Soñe injahnël ña vëyënta mën, balëluhna aherëhniwu, kabi Wënu ña ñañëndëku gante ñahnëlëdun ka. ¹⁰ Ha, injahn tac ye nte rufahnëdun hnë vēvē Masedëwan va fop, vēle hwëtahnëka Wën. Bare vëyënta fu, kamënaÿëhnëderun aliwu ntëbi koyëna. ¹¹ Yëkëlehnëryindën ayewu yam, pabëryin

* **4:4** 4.4 Ale-wo-le hnë wuhnë njët mënkw mbahn dëwu ña hn'ufacah, do hn'untënah. Kode nkwëryi fëna ñëña ñëwëlahn gë asëvalu ma ñëña had gante ntide ahnuÿahn asëval.

wadēwun fo do arokēndu ṅacēṅac hun ṅa fo, had gante ntehnirunēho ka. ¹² Koyēna vēle wok vēhwētahnēlahna Wēn va ntēnēndēni nkeya hun ṅa, do kat antē aramahnuni vēyēnta hun.

Ibēhn vēsēm gē fac Ahwēhn a

¹³ Vēyēnta fu, ṅadēfun ayētu toṅa yā soṅe vēle sēmēk va, soṅe antē ahwēhnawu yiwēhnah gē vēyēntaw̄ ki vēle wok vēramahnēna vi. ¹⁴ Age kwētahnēbun Yesu cēmēko do mbēhn, kwētahnēbun fēna Wēnu ṅa mbarēdēhēni gē Yesu fop vēle hwētahnēdēha do cēmatēni va. ¹⁵ Wēlin wante fēyaderun ye wanēs wante karaṅekēhniwo Ahwēhn ṅa vahnē va: vēle yeyinēk vi wod vēsēmēna mbokahnind Ahwēhn a, vēryēnkwēhnēdīlēhniṅna vēle sēmēk va. ¹⁶ Fac rac, cēlid Ahwēhn a umē ndēnkw g'ambin, gē kopa le wācēd, gē kopa asankaf wamēleka, do gē kopa lēnkw Wēn yā. Vēle sēmēk g'ikwētahn Kēris va ryēnkwēd mbēhnēni. ¹⁷ Tac fuhnē vēle woyinēk cēmīlēnhna wati rac va, nufēdenēhēfu gē vēhni hnē vēṅar njiyin pankēlin g'Ahwēhn a g'ambin, do koyēna g'Ahwēhn a nkefen kwēlēkwēl. ¹⁸ Awa ale-wo-le kamēnaṅehna aṅyēntaw̄u yā gē waṅi wanēs.

5

Ikwēt hakili hn'inap Ahwēhn hna

¹ Vēyēnta fu, soṅe yamani yā gē wati yā, balēluhna aherēhniwu. ² Njētērun wapacēk w̄uhnē dēnk fac Ahwēhn a tēkid had gante tēkid ale yā g'umēd. ³ Ge vahnē va ntehnēdēni: «Fop yam fo ye, ntakah gena!» Awa hnē wati

rac ile vēvehnēdēhēhni ŷa naŷētēdēhēhni had lav đonk hnag asēval, do la aryampo kodina peh. ⁴ Bare wūhnē, vēŷēnta mēn, geluhna hn'umēhwēry hna, do iŷi fac kodina naŷētu had ale. ⁵ Wūhnē fop vutah humpen yerun, vutah fac. Gena umēđ hwēhnēkēfu, ma umēhwēry. ⁶ Awa antē ndakin wakwēđ had gē vēŷēntaŵ ki, bare űesēnēfu do kwētīn hakili. ⁷ Vēle ryakēđ wakwēđ va, g'umēđ ga ndakēđēni do vēle ryēwēđ va, g'umēđ ga ndēwēđēni. ⁸ Bare fuhnē, vēvē g'anent vi, kwētēnēfu hakili: cudanēfu g'ikwētahn űa do g'īŷahn űa had gē viŷi viwēta, do g'apēnkŵ mēta nte ye itamahn ipeh īŷa.

⁹ Wēnu űa tēhnalēfuhna nuŷayin ntavah ntēwu űa, bare nuŷayin ipeh īŷa gē Ahwēhn fu ŷa Yesu Kēris. ¹⁰ Soűe fu ŷa cēmēk Kēris nkehahnin gē umē, sēminēk cēmīlēnēhna. ¹¹ Awa, kamēnaŷehnlēryindēn do yaŷēnēlēryin hn'ikwētahn hna, had gante rēkērun alindu ki dēnk.

Siyab rēkwa gē simpāŷi

¹² Vēŷēnta fu, tēyēderun űaűi: dēnēnēryinēhni vēle ryokuűēđ, vēle vērađ đus soűe hun, vēle yēkađēhu do yabēđēhu hn'ībēmēnkēl hun g'Ahwēhn. ¹³ Dēnēnēryinēhni đus do aŷanduni đus soűe đoku le ntīđēni ŷa. Geryin yam yēbēlan hun.

¹⁴ Vēŷēnta fu, mbokēderun aŵuntayiwu iŷin: niryindēnēhni vēle hēmak va. Kamēnaŷehnlēryindēnēhni vēle yamēk va, demaryindēnēhni vēle nkok yabēna fanka hn'ikwētahn va, đūñēnanēhnēryindēnēhni

vahnë va fop. ¹⁵ Kwëtëryin hakili, antë ahnë nkwëcaga ale lika uŵeh! Yëkëlehnëryindën kwëlëkwël alindu fërën, yëbëlan hun do gë vahnë va fop.

¹⁶ Geryin kwëlëkwël hn'uhnatah hna. ¹⁷ Yëfaryindëna Wënu ña kwëlëkwël. ¹⁸ Camehnëryindëna fale-wo-fale fa. Rac ye le napëd hnë ŵuhnë vële vëmënkëlëk hnë Yesu Këris va.

¹⁹ Ant'aŵëmaÿehnuna Iyir Ipacah doku lëŵu hna; ²⁰ ant'ayafu wanës wakila ña. ²¹ Pëcëtaryin fop watac do kwëtaryin ile fërënak ÿa; ²² keharyin ŵeh-wo-ŵeh.

²³ Arabi Wënu hwëhn yam ÿa nti ayewu vële padëk ufacah; arabi hakili hun ÿa gë ntaŵary hun ña do gë vimbahn hun va nko pad, hara kwëhnana ile nirande hafo hnë fac le njijëd Ahwëhn fu Yesu Këris hna. ²⁴ Wën le ŵacëku ÿa kahnëndak: ntid rac.

²⁵ Vëÿënta fu, ŵuhnë fëna yëfanëhnëryindënefu. ²⁶ Gaÿëryinëhni vële hwëtahnëka Yesu va g'ijahn nte rufande vëÿënta hna.

²⁷ Tëyëdëmu g'uŵac Ahwëhn a, arabi aŋi kayëte karanëhnini fop vëÿënta fu va.

²⁸ Arabi ipërëna Ahwëhn fu Yesu Këris ña nke gë ŵuhnë!

**Vikerëh Vikasëk Wën gë Wapëgwala
Wamey: Vikerëh Vikasëk Wën gë Wapëgwala (New
Testament+)**

copyright © 2018 Wycliffe Bible Translators, Inc.

Language: (Wamey)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 21 Feb 2024 from source
files dated 29 Jan 2022
f961026b-f72f-5bd7-9f75-efa7f932577e